

姓掌垂水神社也日本紀漏

〔新撰姓氏錄右京皇別〕巨勢槭田朝臣

雄柄宿禰四世孫稻茂臣之後男荒人天豐財重日足姬天皇諡皇御世遺佃葛城長田其地野上既水

難至荒人能解機術始造長槭川水灌田天皇大悅賜槭田臣姓也日本紀漏

〔新撰姓氏錄左京皇別〕阿部志斐連

大彥命八世孫稚子臣之後也自孫臣八世孫名代諡天武御世獻之楊花勅曰何花哉名代奏曰辛夷

花也群臣奏曰是楊花也名代猶強奏辛夷花因賜阿倍志斐連姓也日本紀漏

〔新撰姓氏錄左京皇別〕治田連

開化天皇皇子彥坐命之後也四世孫彥口命征北夷有功効因割近江國淺井郡地賜之爲墾田地大

海真持等墾開彼地以爲居地大海六世孫之後熊田宮平等因行事賜治田連姓也

〔通志略氏族一〕論得姓受氏者有三十二類中十六曰以事爲氏此又不論行能但因其事而命之

耳夏后氏遭有窮之難后緡方娠逃出自竇而生少康支孫以竇爲氏

以神名人爲姓

〔日本書紀神代二〕一書曰中天津彥彥火瓊瓊杵尊中且降之間先驅者還白有一神居天八達之衢

其鼻長七咫背長七尺餘當言七尋且口尻明耀眼如八咫鏡而赭然似赤酸醬也卽遣從神往問時有

八十萬神皆不得目勝相問故特勅天鈿女曰汝是目勝於人者宜往問之天鈿女乃露其胸乳抑裳帶

於臍下而笑嚙向立是時衢神問曰天鈿女汝爲之何故耶對曰天照大神之子所幸道路有如此居之

者誰也敢問之衢神對曰聞天照大神之子今當降行故奉迎相待吾名是猿田彥大神中時皇孫瓊

瓊杵勅天鈿女命汝宜以所顯神名爲姓氏焉因賜猿女君之號故猿女君等男女皆呼爲君此其緣也

○又見古語拾遺

〔今昔物語十七〕依地藏助活人造六地藏語第廿三